

DIE SKIPPERTJIE

Nuusbrief van Laerskool Park, Mosselbaai

9/2025

14 Maart 2025



IN HIERDIE UITGAWE

UIT DIE KAJUIT

BELANGRIKE INLIGTING EN
UITSLAE

1. Skoolaansoeke vir 2026
2. Langnaweek
3. Toetsreeks en assesserings
4. Atletiek
5. Netbal
6. Pretstap
7. Buite-aktiwiteite
8. D6 Connect
9. Personeelverjaardae
10. Skooltye
11. Skoolfonds

***“Work and you’ll
get what you need;
work harder and
you’ll get what you
want.”***

Prabakaran Thirumalai

Afrikaanse idioom van die week

Iets uit jou duim suig:

As jy nie die waarheid praat nie.

2025 SKOOLKWARTALE

1ste: 15 Januarie – 28 Maart

2de: 8 April – 27 Junie

3de: 22 Julie – 3 Oktober

4de: 13 Oktober – 10 Desember

UIT DIE KAJUIT

“Doen wat jy moet, sodat jy eendag kan doen wat jy wil”. Dit was die woorde van ‘n besigheidsman waarna ek die ander dag op die televisie geluister het. Ek dink dat dit van toepassing is op elkeen van ons se lewens. Ons wil deesdae alles so vinnig hê. Alles word vinniger – kitskos, mikrogolfetes, vinnige boodskappe, haastig op pad iewers heen, ens. Ons jaag van die een ding na die volgende. Daar is egter sekere lewenswaardes wat ononderhandelbaar is – en een van hulle is geduld. Ek dink elke mens se motto in die lewe moet wees: Doen vandag jou beste daar waar jy is en wag geduldig op dit wat jy graag wil hê. Ons moet ons kinders leer dat niemand wat sukses in die lewe bereik het, dit sommer net gekry het nie – al lyk dit somtyds so. Sukses gaan gewoonlik gepaard met deugde soos ‘n toekomsvisie, harde werk, lang ure, deursettingsvermoë en ‘n positiewe ingesteldheid. Om iets of iemand die skuld te gee vir ideale wat nie bereik is nie, is bloot nie waar nie en totaal die verkeerde ingesteldheid om te hê. Ons kinders sal dan ook so begin redeneer. Kom ons leer ons kinders eerder om verby die oënskynlike onregverdighede en ongeregtighede in die lewe te kyk en eerder te fokus op dit wat ons moet en kan doen daar waar ons elke dag werk, beweeg en leef. Ons moenie alles vir ons kinders probeer uitsorteer nie. Sekere dinge en situasies moet hulle leer om self te hanteer en te aanvaar dat alles nie altyd uitwerk soos ons dit wil hê nie. As almal so optree sal daar dalk minder mismoenigheid in die wêreld wees. Mooi naweek.

Dr. André Smith

BELANGRIKE INLIGTING EN UITSLAE

1. Skoolaansoeke vir 2026

Let asb. daarop dat die WKOD se aanlyn-skoolaansoekproses reeds op 11 Maart geopen het. Gr R, 1 en 8 aansoeke vir 2026 kan tot en met 15 April gedoen word. Ouers word versoek om so spoedig moontlik met die proses te begin. Leerders wat reeds in Laerskool Park is hoef nie weer aansoek te doen nie. Indien enige hulp daarmee benodig kan die skoolkantoor geskakel word (*sien die inligting onderaan*).

2. Langnaweek: 21-23 Maart

Neem asb. kennis dat volgende naweek ‘n langnaweek is. **Die skool sal op Donderdag, 20 Maart soos op ‘n Vrydag uitkom, 13:00 vir graad 1-3 en 13:15 vir graad 4-7.** Op Vrydag, 21 Maart is dit Menseregtedag wat beteken dat daar geen skool op daardie dag sal wees nie. Die skool gaan weer op Maandag, 24 Maart normaal voort.

3. Toetsreeks en assesserings

Die toetsreeks vir graad 4-7 leerders is steeds aan die gang en eindig op Dinsdag, 18 Maart. Dit is baie belangrik dat alle leerders elke dag skool sal bywoon. Leerders in graad 1-3 is ook deurlopend besig met kwartaalassesserings. Enige afwesigheid tydens die toetsreeks moet met ‘n doktersbrief gepaard gaan. Baie dankie vir u samewerking.

Kontak ons:

Kaapweg 49 Mosselbaai

Posbus 96, Mosselbaai, 6500

Tel: 044 691 1020/1

Epos: navrae@lspark.co.za

www.laerskoolpark.co.za

VOLGENDE WEEK SE PROGRAM

Ma, 17 Mrt: Toetsreeks: Inhaalrag

Di, 18 Mrt: Toetsreeks: Aardrykskunde

Wo, 19 Mrt: o/13 Rugby streekproewe

Do, 20 Mrt: o/13 Hokkie vs Eversdal

Vr, 21 Mrt: Menseregtedag (geen skool)

SA Atletiek (Germiston)

Sa, 22 Mrt: SA Atletiek (Germiston)

4. Atletiek

Ons atlete het puik gevaar tydens die Wes-Kaap Kampioenskappe. Die uitslae was:

- Miguel Prins: 1ste Hoogspring (1,77m – Wes-kaap en nie-amptelike SA rekord); 2de 80m Hekkie en 8ste 100m
- Jordan Sydon: 1ste 80m Hekkie; 1ste Verspring en 5de 100m
- Mia Rossouw: 2de Hoogspring
- Miané Schutte: 4de 75m Hekkie; 4de Diskus en 8ste 150 Hekkie
- Milan Kotze: 5de Gewigstoot en 9de Diskus
- Daniel Laufs: 5de Spiesgooi
- Liam Herbst: 8ste Gewigstoot

100% Parkies

Baie geluk aan al hierdie atlete met 'n puik seisoen. Miguel, Jordan, Mia en Miané is in die Wes-Kaapspan ingesluit en gaan volgende naweek aan die Suid-Afrikaanse kampioenskappe te Germiston, Gauteng deelneem. Baie sterkte!

5. Netbal

Baie geluk aan ons o/13A-netbalspan wat tydens die Hoërskool Langenhoven toernooi te Riversdal 6de uit 24 skole van regoor die Wes- en Oos-Kaap geëindig het. Ons sien uit na 'n goeie netbalseisoen.

6. Pretstap – 15 Maart

Die jaarlikse Pretstap vind môre, 15 Maart plaas. Die OOV en personeel het alles gereed vir môre en dit belooft om 'n heerlike dag met talle aktiwiteite te wees. By voorbaat baie dankie aan almal wat betrokke was by die organisasie van die dag. Alle ouers en leerders word uitgenooi om dit by te woon. Ons sien daarna uit om u almal by die Pretstap te sien.

7. Buite-aktiwiteite

Tweekamp: Baie geluk aan Milané Belstead (2de plek: o/9) en Mia Brönn (3de plek: o/13) wat tydens die Eden-kampioenskappe puik gevaar het. Albei Leerders is in die Edenspan ingesluit vir deelname aan die Suid-Afrikaanse kampioenskappe op 21 en 22 Maart te Oudtshoorn. Mooi so!

8. D6 Connect-toepassing

Om kommunikasie by die skool te verbeter is ons besig om oor te skakel na die D6 Connect-kommunikasiesetel. **Ons wil graag aan die begin van die 2de kwartaal die stelsel ten volle benut.** Laai asb. die toepassing (App) vanaf u foon of rekenaar se Play store af en kies Laerskool Park as u skool van keuse. Maak asb. seker dat u die korrekte skool kies. **(Sien die advertensie met die skakel (link) onderaan)**

9. Personeelverjaardae

Baie geluk aan die volgende personeel wat verjaar:

- 18 Maart: Anri Odendaal

Mag u 'n geseënde jaar beleef.



10. Skooltye

Skooltye is as volg:

- Graad RR en R: 07:30 – 12:15
- Graad 1: 07:30 – 13:00
- Graad 2, 3 en HBK: 07:30 – 13:30 (Vrydae – 13:00)
- Graad 4 – 7: 07:30 – 14:00 (Vrydae – 13:15)



11. Skoolfonds

Ouers moet asb. seker maak dat skoolfonds op datum betaal word (maandeliks of kwartaalliks). Baie dankie aan al ons ouers wat getrou skoolfonds betaal. Skoolfonds vir 2025 is as volg vasgestel:

- Graad 1 – 7: R13 200
- Graad R en RR: R13 500



Adverteer in Die Skippertjie

R100 per plasing per week. Advertensies word in A4-grootte onderaan die nuusbrieff geplaas. Kontak vir Anneke Harmse om die betaling te reël. Advertensies kan aan juf. Karen by 060 7212 192 gestuur word. Advertensies moet in JPEG-formaat gestuur word.

BANKBESONDERHEDE

Naam: Laerskool Park Skoolfonds

Bank: First National Bank (FNB)

Rekeningnommer: 62035 761 081

Takkode: 210-314

Verwysing: Kind se naam, van en graad of toelatingsnommer

IS JY AL GEREGISTREER?

Ons herinner u daaraan om voor die einde van die eerste kwartaal op die d6-CONNECT toepassing te registreer.

Vanaf die tweede kwartaal sal alle skoolkommunikasie slegs op d6 plaasvind.

Laai die d6-CONNECT toep af en registreer so gou as moontlik om op hoogte te bly van belangrike nuus.



Don't Wait!

11 March to 15 April 2025

Get ready for the 2026 school year.

Apply for admission before the deadline!

Apply for Grade R, 1 & 8

Apply online at westerncape.gov.za/education

Transfers Grade 2-7 & Grade 9-12: 4 - 18 August 2025

Vrae wat dikwels gevra word



- 1** Hoe doen ek aansoek om toelating tot 'n openbare skool vir my kind?

 - Skole bepaal plasings deur hul eie toelatingsbeleid uit te oefen en toe te pas, wat in ooreenstemming met die Suid-Afrikaanse Skolewet, 1996, (Wet 84 van 1996) behoort te wees. Die Wes-Kaapse Onderwysdepartement (WKOD) kan nie plasings by skole van ouers se voorkeur waarborg nie.
 - Doen vroegetydig aansoek. Moenie tot op die laaste dag wag nie.
 - Ouers/voogde/versorgers moet by ten minste drie skole aansoek doen, insluitend die skool naaste aan hul woning.
- 2** Wat is die toelatingsouderdom vir graad R en graad 1?

 - Verpligte skoolgaande ouderdom vir toelating tot graad 1: 'n Kind moet in die graad 1-jaar sewe jaar oud word.
 - Toelatingsouderdom vir graad R: 'n Kind moet in die graad R-jaar ses jaar oud word.
- 3** Watter dokumente word benodig om aansoek te doen om die toelating van 'n kind by 'n openbare skool?

Gewaarmerkte afskrifte van die volgende dokumentasie word vereis:



Vorm van identifikasie. Enige van die volgende sal aanvaar word)

- Identiteitsdokument/geboortesertifikaat (leerder).
- Buitelandse leiders: 'n paspoort/ouers/voogde/versorgers se vlugteling- of asielsoekersvisum waarop die leerder se naam moet verskyn.
- Indien 'n leerder van buitelandse ouers/voogde/versorgers in Suid-Afrika gebore is: 'n handgeskrewe geboortesertifikaat (DHA 19-vorm).
- Indien 'n leerder nie in Suid-Afrika gebore is nie: paspoort/vlugteling- of asielsoekersvisum wat in die leerder se naam afgerek is.



Immuniseringkaart (Road to Health Chart) van die leerder (slegs op primêre skole van toepassing).



Laaste amptelike skoolrapport/akademiese rekord met uitslae van die leerder.



Bewys van verblyf (dionsterkening/huurooreenkoms/beëdigde verklaring wat by 'n polisie-stasie afgelê word wat verblyf bevestig).

Indien stawende dokumente NIE BESKIKBAAR IS NIE/ONTBREEK: 'n **beëdigde verklaring** van die Suid-Afrikaanse Polisie diens **moet by die aansoek ingesluit wees.**

- 4** Kan 'n kind toelating gewaag word as hulle nie in 'n skool se voederarea woon nie? Die WKOD het geen voedersones toegeken nie.
- 5** Kan skole "registrasiegeld" hef voordat 'n leerder aanvaar word? Nee. Skole mag geen goeie hef voordat 'n leerder aanvaar is nie.
- 6** Hoe doen ouers/voogde/versorgers aansoek om toelating? Ouers doen aanlyn aansoek via die volgende skakel: westerncape.gov.za/education.



Neem asseblief kennis dat ALLE navrae oor jou kind se aansoek via die WKOD se aanlyn toelatingstelsel gedoen moet word.

Verantwoordelikheid begin by jou!



Karakter is om die regte ding te doen,
selfs as niemand kyk nie. ~ J.C. Watts



“ Wat ook al jy besluit om
te doen, wees seker jy is
trots daarop.
~Walt Disney ~ ”

VERANTWOORDELIKHEID



WEES WAARDE WENNERS